



江蘇省地方志編纂委員會辦公室編

江蘇歷代方志全書

71



江蘇省地方志編纂委員會辦公室編



鳳凰出版社

江蘇歷代方志全書

71

蘇州府部

ISBN 978-7-5506-2317-0



圖書在版編目（C I P）數據

江蘇歷代方志全書. 蘇州府部 / 江蘇省地方志編纂
委員會辦公室編. -- 南京 : 鳳凰出版社, 2016. 7
ISBN 978-7-5506-2317-0

I. ①江… II. ①江… III. ①江蘇省—地方志 IV.
①K295. 3

中國版本圖書館CIP數據核字(2016)第131080號

書名	江蘇歷代方志全書·蘇州府部
編者	江蘇省地方志編纂委員會辦公室
責任編輯	王劍 王愛榮 吳瓊 顧娟 崔廣洲
裝幀設計	姜嵩
出版發行	鳳凰出版傳媒股份有限公司 鳳凰出版社(原江蘇古籍出版社) 發行部電話025-83223462
出版社地址	南京市中央路165號, 郵編:210009
出版社網址	http://www.fhcbbs.com
印刷	揚州文津閣古籍印務有限公司 揚州市開發區鴻揚路22-2號(6幢), 郵編:211153
開本	889×1194毫米 1/16
印張	3253. 25
版次	2016年7月第1版 2016年7月第1次印刷
標準書號	ISBN 978-7-5506-2317-0
定價	79200. 00圓(全九十九冊) (本書凡印裝錯誤可向承印廠調換, 電話:0514-87969255)

光緒常昭合志稿(二)



(清) 鄭鍾祥
(清) 張瀛 修
龐鴻文等纂

第七十一冊目錄

光緒常昭合志稿（二）

.....

〇〇一

常昭合志稿卷第二十五

人物志四 耆舊

陳察 陳寶 文周 王良翰 張文麟 文鳳 一元

湯繼文 姚奎 丁奉 王舜耕 徐達 張鳳來

鄧韜 廷直 廷廣 陳迥 官 曹達 張鳳來

錢籍 王魯 惠會 孫七政 陸堂 沈寅

鄧鏐 錢應隆 趙承謙 施雨 元季 朱木

顧玉柱 耿光 許河 盛資汝 吳恩

錢津 邵 陳諫 策 嚴訥 治 澤 金汝礪

連鑲 錦 章美中 士雅 沈應元 唐

常昭合志稿 卷二十五 人物之四 耆舊

瞿景淳 汝稷 汝益 倪潤 顧柄 鄧建

查光述 徐枋 復昨 陳瓚 錢庶 邵圭潔

錢有威 錢之選 陸一鳳 崇禮 問禮 葛邦興

何鈞 大成 王嘉言 維屏 能慎 輔臣 維城 良臣

趙用賢 隆美 士履 沈應科 春澤 錢順時 世揚

錢順德 謙貞 順化 蔣以忠 以化 黃門 黃卷

錢岱 時俊 蕭應宮 陳國華 以謙 星應 顧雲程 雲龍

黃時雨 陸枝 張仲孝 大受 王之麟 牛春

陸化淳 瑞徵 陸化熙 袁光宇 顧雲鳳 雲鴻

張世昌 翁憲祥 黃祥 應祥 漢馨 徐待聘 劉祥 待什

陳禹謨 顧大章 大韶 歸紹隆 孫朝肅 朝肅

陳必謙 必謙 薛志學 魏浣初 許士柔 士儉

許孟卿 王夢龍 夢鼎 張履端 趙士春 士功

蔣葵 歸起先 馬夢桂 廷佳 龔立本

瞿式耜 嵩錫 昌文 王舜昌 孫蘭 嚴斌 蘭

陳察字厚習先世弋陽人宋丞相康伯子安節為防禦使巡海

至常熟卒子幼遂家焉是為縣南陳氏之祖曾祖芳字繼芳

祖璇字叔維號市南清隱皆有義行璇弟玉字叔英亦積善

好義父稷字允材稟性淳懿好以禮容自攝平生恥言人過

喜愠不形察宏治十五年進士授南昌推官正德初擢南京

常昭合志稿 卷二十五 人物之四 耆舊

御史尋改北時劉瑾引妖僧蠱上察率同列痛哭極言詔繫

治削粟輸邊瑾既誅其義子寧彬煽起益張察疏爭之不得

移病歸居九載復起為御史一日遇江彬於朝忽厲聲呵之

彬為短氣宸濠反彬說上親征察抗言此不過一帥任奈何

屈萬乘尊上不憚奪一年俸出按雲南屏驛從行簪棘間微

刺民閒得失而按勘墨吏若仇滇中故有銀礦中貴乘勢苛

取察言礦宜罷鎮守劉玉與督僉沐崧宜斥皆從之大理石

出點蒼山地方疲於采取察為移文封禁時武宗無子輔弼

大臣未敢言建儲事而察首發其議請擇宗室親賢置禁邸

預教育不報世宗即位察還朝上書請篤聖志崇聖德復出

按四川請罷鎮守及織造內使上爲次第裁省丁內艱服開再入爲御史給事楊言糾錦衣王邦奇妄塗汙宰臣費宏等上謂爲大臣游說甚廷鞠備五毒察大呼曰楊言無罪察願以不肖軀代言死羣僚錯愕上連目懾之弗爲動復疏爭之卒寬言獄而費宏等得全營帥郭勛恃寵爲奸利容發其陰事勛以侯就第遷太僕少卿辭薦人目代僕少於故事不得辭又不當薦代遂謫海陽學官量移廣信推官累遷至浙江左布政使入爲南光祿卿尋以左僉都御史巡撫南贛效王文成爲治明約束習騎射擒斬賊帥杜伯羣黨分散自念壯氣直節恐不久容於時累疏乞休因薦前都御史萬堂等

常昭合志稿

卷二十五

人物之四 耆舊

三

十四人可用帝責察徇私妄舉斥爲民祭自爲諸生勵堅特操居父喪一守古禮知縣楊子器欲舉孝子固辭之居官聞母喪即日跣行重趼苦出三年免喪始入內寢頭誤觸柱斃然曰天其以此警予之不孝復就喪廬三月平居食糲衣惡多人所不堪按四川時過首驛命驛丞程裝輕重事竣反復命秤之不差銖兩林居監司守令過從時出麥飯飯之政令有不便輒吳語刺刺不少置人畏其嚴相率指爲弔詭然察立朝卓然置生死於度外至今談氣節者必稱陳都憲卒年

八十三有文集及奏草若干卷

明史參府縣志

陳憲字原大察弟少警敏登進士選庶吉士授檢討大內災竄

上書言上昵比羣小佚遊騎射儲嗣久虛宜絕逸欲禁橫欽正法度節濫用語多戇直詔奪半歲俸嘉靖初預修武宗實錄請以靖難諸臣緣故主駢戮者人賜一傳新部相心器之薦爲經筵講官時宮中有妃之喪輟講實抗言人主寧以微戚廢大典遷南京國子司業改北時詔罷孔子謚號遂有議闕里器物非度者實持不可曰陛下稱孔子爲先師蓋尊之也尊之則闕里制當益不當裁報可俄超遷南祭酒上所論次大學章勸上勤德政戒土木省齋祀上覽書稱善助教劉世龍以封事下獄柄臣疑出實意遂請致仕性至孝奔母喪日馳一羸南嚮哭盡工方擬爲遺像未成實甫息有聞蹶然

常昭合志稿

卷二十五

人物之四 耆舊

四

帝曰子庶幾得之爲之準已晴顧輔跪而加丹粉焉兄察曰蜀來望見號曰母而在哉爲人側儻簡易爲司業時祭酒湛若水講學諸生拱聽實笑謂諸生曰大旨如是耳宜趨歸事而父母毋徒褻衣矩坐爲所苦有琴溪集二十卷

王弁子文

周堯仁文周字汝中以諸生官光祿寺監事侍穆廟青宮講學肅宗親書中正二字賜之出爲大同通判潔已任事兵民

德之以功賜璽書金綺擢廣東鹽課提舉商民咸便一時綰攝四邑篆肆應如流動中肯綮

嚴文請集

堯仁字汝元少孤事母至孝以諸生謁選潼州州同歷練如老吏奉命採木有黎嗣

土司者少發也伺堯仁寢直入卧榻堯仁肅起整衣冠列侍

從不假色笑土司歟而去遷南安通判平訟建學治聲騰起

晉南康同知遂歸

豐汝說志

王良翰字仲申曾祖迪以孝友稱良翰舉進士授工部主事勤

於職業監稅於杭課額不虧當路有不悅者以疾歸重刻先

世遺集事兄良輔和謹兄卒待其姪尤善

李傑志

子下字循甫

以貢舉選考城知縣有考城詩集下子玉汝字於成以監生

官興國州判邵圭潔作三逸士傳玉汝居其一焉

氏族考

張文麟字公瑞文學懋孫湯民子也和登進士時修孝宗實錄

採故事諸繇高第選書馳傳行郡邑文麟得浙江還上事太

史授刑部主事所治金吾緹騎一以惠文彈治遂治尙書章

常昭合志稿

卷二十五

人物之四

五

秦與同舍郎共治逆瑾獄爰書明允晉郎中南海梁次璫以

宰相子賊殺良民奉璽書往勘竟劾抵罪遷吉安知府未上

丁外艱服除補建寧府年僅三十八致仕歸

王世貞志參世貞目録

弟文鳳字公儀安民子爲文根極理趣與兄文麟競爽登進

士知新會縣政尙寬和擢工部主事理徂徠泉源晉郎中時

上命大臣督視決河文鳳謂安山湖久堙宜急濬從之三月

底績遷贛州府知府致仕兄弟並祀鄉賢

陳迥志

從孫一元字

長卿治毛詩力學攻苦以虞山賦得名一元第一本字道生

少孤時祭必泣性度方嚴書法道美教授里中四十年手輯

經史及濟世諸書一本孫有恒能世其學

舊志

湯繼文字引之琛孫以進士授南京兵部主事進員外郎郎中

奉職詳慎官校恣橫繼文痛抑之有勳貴抵法當戍邊資緣

請脫繼文執不從升福建參議兵部有選事尙書論留使竣

事而後行至閩分守建寧諸郡執法不回閩連歲稔軍儲告

闕有詔蠲民租適有秋省臣議加徵繼文謂詔旨不可違軍

儲當別措卒從其議長樂有豪據紫陽書院繼文勒還朱子

後裔慮囚使者臨境有司以撫按成案爲言繼文曰拘案斷

而入人於罪可乎爲之抗論得白者甚衆遷湖廣副使分巡

湖南時衡永多盜繼文謂吏失職則民失業盜乃起於是命

有司緩徵節費和糴以賑仍戒守將固守要害毋黷武以觀

常昭合志稿

卷二十五

人物之四

六

功益旋平

鄧志

姚奎字天章以舉人選湖州通判有幹濟才改調東昌俄召爲

太僕寺丞奎喜言民利病在湖州奏請疏治白茆至是又論

建置太倉州有數害事下蘇郡爲浮議所阻遂歸平生好交

遊在官猶力學不怠有泰山詩一編

鍾志

丁奉字獻之號南湖少孤力學舉進士授南吏部主事晉郎中

會內艱歸有旨擢用太宰陸完手書促赴奉疏懇乞休併致

書太宰勸其功成身退遂以原官致仕年僅三十八其後完

敗交遊多株連奉以前書免累士論高之寄傲湖山沈酣六

籍著五經臆言四十卷通鑑節要五十卷作贊斷千餘條南

湖留稿十二卷巡撫歐陽某發帑以廣其傳而奉念故友湯副使繼文五喪未舉卽以此贈之列祀鄉賢志

王舜耕字子田宗錫族子祖賓字敬夫父璵字宜安有孝行賓年九十餘坐臥一小樓歟日負其父以上下力資供養舜耕與弟舜漁同登進士授廬陵知縣值武宗南狩旁郡縣多以科派被劫廬陵獨無所擾擢監察御史巡長蘆鹽政陳便宜七事巡按河南儀賓某瀆倫逮繫久不決舜耕至立正其刑歲終奏報以食殘劾去者殆百餘人境內肅然時歲大旱郡縣上慶雲圖撫臣欲偕舜耕表賀辭曰民方病旱何以爲瑞事遂已竝減厨傳饋遺人多銜之會京察謫判光州改濱州

常昭合志稿

卷二十五

人物之四 耆舊

七

致仕

管志參羅文懿集

舜漁字子澤號石谿登第時年才十九授工部主事權闢浙江倖臣江彬方用事中官以賂得預司事怙

權橫徵舜漁以法裁之課入命貯錢塘仁和二縣庫錙銖無所與宸濠反浙江鎮守監畢真謀慮之巡按御史張縉知舜漁忠畧移司入城與謀議真一日召縉與舜漁飲將賂之座上舜漁見兵械森列詰真曰豈備盜藩耶當於城上耳命左右立撤之酒半目縉先行引觥與真痛飲而出真氣索改刑部員外郎遷山東僉事督武定兵備州方有警舜漁修軍政躬習騎射知州姚遜貪暴劾罷之丁外艱歸服闋補原官分巡遼海東寧道修築邊牆延袤千里有挾中官勢擅支諸衛

俸給者捕置於法豪猾持官長短結黨擄財者亦遣戍極邊

一道震懼遷副便整飭臨清兵備道人數千泣送有圖其像而去者臨清嘗道衝奸宄所窟穴舜漁訓練士卒安撫商賈上下頌其治巡河郎中在臨清繫囚五十餘人久不決舜漁察其寃命釋之又按考州庫藏罰銀有隱匿舜漁持之急遂摭他事訐奏詔令二人候勘於家舜漁事得白吏部方擬薦用無何卒年四十七列祀鄉賢舜耕子之夔字汝和舉人舜漁子之稷字汝立官漢陽通判

李本志

鄧載字文度本姓蔡父暄精二載之學載少育於外家鄧因氏焉鄧氏自彥章以直諫賜死其孫洪字宗海有義行能詩羅

常昭合志稿

卷二十五

人物之四 耆舊

八

文懿嘗稱之載洪之嗣孫也鄧氏多藏書載盡發讀之未弱冠名籍甚邑令楊子器深器之有巨室坐事俾出貲葺載所居力謝之領鄉薦再上公車會母病遂不出闕一室於母寢之右以圖史自娛尤好濂洛關閩之學部使邑大夫就訪以公事則對欲召見之則辭新昌呂光洵按吳延訪水利時有郡倅坐事求援載峻却之且深以不爲取信自咎嘗仿呂成公大事記論次古今得失類成卷帙曰如有用我執此以往邑令馮汝弼請脩邑志載乃稽故實嚴義例芟蕪穢補遺逸人物列傳尤注意焉聞有嫉之者毅然不顧曰志亦史也天下是非在焉吾何敢私年八十八卒所著詩文集易纂要

泉坊議事錄泉坊日錄常熟志濮州志子廷直惇篤有文季
子廷薦字臺山佐父修邑志詩宗王孟畫理亦精母徐年老
素知文嘗與談文以順適母意母死以哀卒薦子光晟端方
博雅顧憲成嘗延爲館師後死於燕京其子正言年甫十三
哭奔至京負骨歸葬府志參載曾孫大臨字起西號丹邱幼
孤稍長學於江陰黃毓祺明亡毓祺起兵竹塘以應城守事
敗入金陵獄大臨職納橐餗毓祺坐法死大臨號泣守喪鋒
刃之中贖其首聯之於頸棺斂送歸爲黃冠以終黃宗義墓誌
陳迥字良會播次子舉進士初任惠安縣調福清擢監察御史
會世廟議大禮抗疏極論桂萼時兩御史已逮繫復抗疏救
常昭合志稿

卷二十五

人物之四 耆舊

九

之忤旨廷杖謫合浦主簿代王文成字仁講道靈山書院又
代林都憲富虛置思田降寇遷新喻知縣升大名同知超擢
福建僉事備兵福寧平處州古田礦賊晉河南副使時肅廟
巡幸承天近兼程扈駕有巨璫要重賄不得遂銜之適召一
宮人以泥濫廐車不得前璫從旁嗾曰誰扈蹕而稽慢若是
再被廷杖削籍甲辰九廟成推恩復官撫按交薦堅臥不起
嘗有石淙山人漫稿省巷集列祀鄉賢閩廣俱祀名宦從
子官字舜卿以貢授青田訓導轉教諭倭入寇率諸生偕令
分城捍禦賴以安堵擢知大冶縣以廉慎誠樸爲治尋解職
歸

藏文
歸集

曹達字履中世居福山舉進士擢御史糾察宰汪鉉不法杖謫
隨州判官攝斬水縣事中人從章聖梓宮過斬責供帳遠飭
吏民手板水次已公服前引常廩外不庀一錢中人聞知曰
是故強項曹邪引去先是達按司隸得強項名故云累遷知
廣州府廉直不撓調雲南守治如廣擢按察副使彝酋普密
阻兵達以所部深入縛之廼撫害其功格不上當調遂歸府志
參
張鳳來字于庭正德十五年進士擢工部主事監稅於杭遷刑
部員外郎慮囚福建事且竣會考內職當路不悅左遷其官
當外補鳳來喜功名至是遂以疾請歸居數年而卒好文詞
常昭合志稿

卷二十五

人物之四 耆舊

十

每有述作必久鍛後出其文敷腴無艱僻之習志
錢籍字汝載舉進士除遂安知縣分校浙闈拔名士茅坤拜南
御史罷歸性故倜儻才復贍麗既歸益縱情詩酒皇甫子循
輩俱稱賞之於虞山最險絕處鑿石開一門以其峯崎不減
蜀道名之曰劍門叔樓三楹復作亭於其上大書楹聯曰無
邊風月俱嘲弄有主江山屬翦裁籍家富而性好讀書每把
卷獨坐則寢食俱忘僮奴數百不能繩束有二奴以江陰規
庫事牽連籍子亡猶欲曲庇之時捕治甚嚴遂并逮亡而及
籍怨家又摘其聯句謂有主之江山不宜屬之翦裁是且將
謀不軌也迨獄解而田園居第鉅萬之貲已爲市井無賴乘

夢叔奪靈矣五子飄零籍寄居吳門年八十五卒著有海山集少子審言好聚異書亦能詩籍從弟簪字汝猷家貧好吟

咏恥干謁有蘭泉集四卷舊志

王魯字質甫號山城義士室之孫由諸生入國學授沅州判官便道抵家會倭亂議修邑城巨室皆盡地分築魯獨任西門城樓工費最鉅既抵沅沅自麻陽作難督撫駐節供應稱煩繼有阿項之變征調日廣魯夙夜鞅掌項旋就擒先是官於沅者廩餼多取給里中魯一切却之擢晉寧州同知有治績尋解官歸子嘉謀字順伯諸生有詩集嘉謨孫憲曾字孝甫少負氣節熟於經史無錫顧端文憲成延致家塾獲與東林

常昭合志稿

卷二十五

人物之四 音舊

士

諸正人遊捐地建邑令楊連生祠楊懼瑄禍下檄毀祠憲曾與瞿懋業負其像藏白龍寺夾室瑄誅復奉像還續志

孫七政字齊之來子七歲能詩才名籍甚所居西爽樓清暉館

蓄古鼎彝書畫客至觴詠其中晚年貧甚皆割去僅存長松

一株吟嘯其下蕭如也撫臣張佳允造廬定交與講鈞禮時

人兩賢之自爲贊有云葆光匪晦養志實榮其志趣可知矣

著有松韻堂集十二卷子森字蘭畹林字芝房幼時父友王

世貞等過訪雲間張長與嘗命二子卽席賦詩森得燈字有

但攜明月去猶是別時燈之句相與摩頂激賞森以舉人官

弋陽令有善政升高州府同知有映雪山居集林以貢授高

郵訓導森子朝昌字來禹與弟朝翼同出廩涇陽之門讀書

取友士林推重陳志

陸堂字子升舉進士任禮部主事晉郎中出知撫州府却苞苴

絕請託屬吏責大指而已至所執一定屹不可移故法令雖

寬而吏不能鉤致百姓一錢升江西副使嘗以便宜發粟賑

飢全活甚衆再遷河南右參政沈應元志

沈寅字伯恭少孤力學晉大書邑人目爲奇童舉進士知進賢

縣案無留牘治三載以課最升工部主事鄧志

鄧鏐字時美泰順典史嘉靖五年賊周六等流劫鏐帥師擒六

獻俘闕下會有計阻之者特奉璽書晉秩加俸時泰順無城

常昭合志稿

卷二十五

人物之四 音舊

士

鏐建議創築發倉賑饑遺近稱其忠勇祀泰順名宦泰順志

錢應隆字光國官浙江按察使經歷遷判永州假守零陵署郡

篆裁革耗弊累萬金移判承天升雲南鹽井提舉舊井當澗

河下流受壑鹵滲漉燥結以資熬煉嵯使用奸民策繫新井

上流高舊井四丈上流鹵脈斷下井漸枯應隆乃復舊井瀘

濮湧竈民懼呼擢楚雄同知錫場面勢痺濕火鑪礦烟觸喉

立斃礦夫入洞爲廂水崩塌死者月數十人應隆乃卜東山

地安壩高廠礦煙四達人得無恙立表架木束火磨繩進止

如令礦人謳歌場利翔湧祀楚雄名宦舊志

趙承謙字德光其先江陰人祖實贅常熟錢氏因家焉父珙字

承進敦善好義歲飢罄家以賑鄉里承謙少貧苦力學年逾四十始舉於鄉又十年成進士授贛州推官被檄視商稅釐革宿弊行旅稱便龍南賊葉白刼贛尉去勢洶洶將挾以攻縣承謙肩輿抵賊壘陳說利害白叩首送尉出擢南京文選主事晉郎中遷廣東參議和平盜李文彪事起僉事尤瑛倉卒問計承謙貽書報之曰五嶺出風氣外盜幸未成亂宜柔之而已夫用兵者不必有勝算其小人利賊資而君子利功勲兵起禍結財賄人困竊以爲所當深念也且吾左右皆賊黨吾推心賊腹而賊寄耳目於吾股掌間故兵符臥寢皇甲士不下睥睨而賊已伏隘左矣敢以龍南之事進瑛懷然與

常昭合志稿

卷二十五

人物之四

七

承謙合策撫下之得不亂蕭御史者承謙同年也意有所屬承謙不之應王御史者以使至承謙待之簡因相與謀曰趙參嶽嶽來欲折御史角邪遂誣以他事鐫職歸承謙慰岸倣儻性和而介當南銓考滿時嚴世蕃識其名使所善諷之曰良苦寂寂亦有意耶吾能致之北笑謝曰老憊不顧北也獨與同曹鄭端簡曉楊忠愍繼盛厚歸田後取司馬通鑑朱子綱目手編成錄以遺家塾年八十二卒

王世貞傳

施兩字潤之木桑姓玘之曾孫登進士授刑部主事以壽寧侯事株及謫濮州同知究郡曹卑閒多惡少攻擄雨厲法禁使自相告訐盜乃衰止升南刑部主事晉郎中遷廣東僉事備

兵潮高時和平賊李鑑擁衆山谷間有司莫能制雨單車過之會暮鑑以千人迎燃炬列戟欲脅雨雨入其巢諭以禍福率頓首伏罪程鄉有猾賊既就擒羣盜謀竄去兩伴整兵爲備密縛至庭下扑殺之羣盜懾伏巡按使者以私憾論免歸子元孝字子純舉順天試時父以哭仲子目盲聞元孝捷音目復明後父母相繼歿元孝慟哭病瘠卒

錢志參錄文靖集

常昭合志稿

卷二十五

人物之四

七

江蘇拜山東道御史兼攝四道時嚴嵩逐不附己者忽逮治木廷杖幾斃出判鄭州會浙中繕兵被檄赴浙還知遂安縣歲祲民阻山發礦格殺官捕勢張甚部使者檄木勦之木引兵駐山下諭以禍福立解散還教州同知致仕歸

嚴文清集

顧玉柱字臺卿嘉靖十一年進士授南京工部主事改北晉郎中外服除補刑部坐祈穀失陪祀謫道州同知有異績累遷至山東按察副使庚戌秋俺答入塞玉柱適賀表入都被命監軍時變起倉卒士伍搶攘玉柱躍馬塵埃中無暇休沐因得疾會嚴嵩又以他事嫌之遂致仕性故伉直喜任事先是邑令沈宏彝以常熟沃瘠不同嘗計畝定稅三則豪猾

不無詭匿玉柱議更度田攤稅乃躬行阡陌量而圖之雖未盡行奸弊稍稍得清倭警首捐金助城役及倭薄城下堅守東南隅身冒矢石散粟予民佐邑令王鈇守白茆三丈諸浦俱有策畧居恒好談節俠事抵掌慷慨恨不一致身其間王志子耿光字汝瑾少豪舉結客壯年折節精於治家兼習吏事知縣段然營委以勘荒鑿河耿光日習經理勞瘁以卒

顧鎮支溪小志

許河字水東舉鄉薦知浦江縣調上蔡創築兩縣石城祀浦江名宦孫士奇字渤海以諸生負經濟才縣令楊忠烈漣器重之府塘水利諸大事必咨訪焉舊志

常昭合志稿

卷二十五

人物之四 音舊

左

盛資汝字以善一字與之二歲而孤育於舅家因冒王姓以鄉舉任增城知縣增城陸接五嶺多寇盜水通海綰瓜哇三佛齊滿喇咖諸國之利羅山猺叛督撫起大兵討之被檄監藍木軍且轉漕給食資汝廣設方畧禽其謀主劉智山等躬率營兵疾鬪而前鹵獲無算詔賜白金諸彝以資貨至者故事有司檢錄奇珍以待進御然後開市謂之抽盤資汝三閱貨三卻之義感其德釀金樹楔署曰卻金民閒歌之曰三番抽盤不要錢增城知縣實痴頑治最當內徵會嚴世蕃索賂不得遷知崖州崖有生黎熟黎其酋號土舍者不能統治爭相仇殺資汝遣譯諭降以次諭部落多港那臘等咸願內屬用

常昭合志稿

卷二十五

人物之四 音舊

夫

其故俗使殺人者出耕牛爲償牽犬臨水涯斬頭噓血相背解仇既盟盟土舍還報黎人大喜輸租福屬黎之前輸租也有司爲木量值木其中高尺許令米與木齊所收倍蓰以故怨恨數畔資汝角甬正概普爲式生黎羅活木萬等聞其威信願輸歲貢比熟黎又計誘斬劇賊陳廷魁兵備王惠急資沉水香資汝拒之曰前州守以微香木結禍於黎至今未弭下吏若私銖兩及以賂上官者有如大海稍遷開封同知築河隄三百餘里水不溢湧擢漢陽知府潰水填淤梗行舟資汝出府羨金疏鑿民不苦役而渠道通漑田千餘頃號曰盛公河劉公洲賊阻江爲寇資汝督兵擣其巢穴而南科臣張某受賄賂屬勿窮竟資汝答曰天子任公言天下是非不任公爲逋逃主也竟爲張誣劾免官家居貧困以卒先賢事畧吳恩字仁卿初除松滋令捕治大盜毛爵爵獻金銀器二篋恩怒擲之復賂郡守守遂釋盜而擢恩改嚴州教授遷廣東高梁別駕升睢州守固圉火起無一逸囚其感乎如此錢錢泮字鳴教號雲江五世祖德字本忠通敏有心計以力穡起家高祖衡字叔平永樂初以賢良薦累遷吏部稽勳主事小心周密考最還鄉散財焚券鄉里稱爲長者父輔字雲澤設義塾以教里中兒歲早悉捐其租泮登進士知候官縣改慈谿擢刑部主事歷員外郎中出知順慶府升陝西副使備兵

漢中營發粟賑饑全活甚眾遷江西參政丁父憂歸而倭亂
作邑令王鈇善騎射時時從泮把酒談兵泮有兩蒼頭亦善
射倭自吳門叔關稅巨萬奪民船載之取道向湖入江泮與
鈇率兵迫至讓塘猝與倭戰伏四起俱遇害事聞詔贈光祿
卿諭祭建祠廕一子錦衣百戶世襲明史參管時從泮死者
有錢鑄錢班錢錫及徐察宋濤五人子部字子曹少力學爲
諸生事母至孝襲父廕爲錦衣百戶部子與襲廕進千戶琛
字國寶泮從弟正德中貨巨室粟數千石賑飢鄧七寇江淮
計擒其客范秋山送軍門斬之舊志

陳諫字信可父復字一陽以舉人應知長興大庾二縣升紹州

常昭合志稿

卷二十五

人物之四 耆舊

七

通判居官誠篤慈信多惠政諫登進士授刑部主事嫻於律
例以明允稱晉郎中奉命恤八閩刑未至出知重慶府嚴明
廉謹剖決若流奉檄採木入夜郎窮崖谷所得木視他郡獨
多會有擢之者落職歸縱酒自娛竟成疾卒羅文兄策字獻
可坦易峭直年八十四卒舊志

嚴訥字敏卿號養齋曾祖昌字景美自吳縣來徙業醫市藥自
號種杏子祖衡字以正有孝行父病籲天願以身代父恪字
心萱少投牒爲郡掾旋棄去力田掌鄉賦輸運至京與陳宗
祥叩關請濬白茆又嘗以吳中多蕪田歲逋無所出因所有
膏腴資諸逋賦者名曰助役費水利紀畧隨意吟管訥舉鄉

試以主司試錄觸忌一榜皆不得會試越三年成進士改庶
吉士授編修遷侍讀三吳數中倭患歲復大祲民死徙幾半
有司徵斂益急訥疏陳民困請蠲貸帝得疏感動報如其請
尋與李春芳入直西苑撰青詞超授翰林學士歷太常少卿
禮部左右侍郎改吏部皆兼學士仍直西苑所撰青詞皆稱
旨禮部尚書郭朴遷吏部遂以訥代之朴遭父喪復代爲吏
部尚書嚴嵩當國吏道汙雜嵩敗朴典銓猶未能盡變訥雅
意自飭徐階亦推心任之乃與朝士約有事白於朝房毋謁
私邸慎擇曹郎務抑奔競振淹滯又以資格太拘人才不能
盡倣先朝三途並用法州縣吏政績異者破格超擢銓政一

常昭合志稿

卷二十五

人物之四 耆舊

七

新尋錄供奉勞加太子太保四十四年袁煒罷命兼武英殿
大學士入參機務以代者郭朴未至仍掌銓政帝齋居西苑
侍臣直廬皆在苑中訥晨出理部事暮宿直廬供奉青詞小
心謹畏至成疾久不愈遂乞歸踰年世宗崩遂不復出訥既
歸里父母皆在晨夕潔養孝養人以爲榮訥嘗語人曰銓臣
與輔臣必同心乃有濟吾掌銓二年適華亭當國事無阻且
所任選郎賢無失人華亭謂徐階選郎則陸光祖也家居二
十年卒年八十有四贈少保諡文靖列祀鄉賢子治澂澂澤
明治字道隆性機警爲人清約簡澁操守甚峻當文靖拜
冢宰治自北雍歸薦紳雲合不接一刺海忠介瑞素有介聲

獨不修謁治言於文靖得以異等擢有桀黠某潛以千金爲壽治正色曰若豈無耳吾翁謂何而敢奸命亟屏斥之以舉

人選授文淵閣中書舍人諸中書以此爲最優故事非宿著

文學之譽者不輕授治意終以不得甲科快快歸體狀子植

字翼卿性剛介僕有以勢凌里人者痛責之邑令楊忠烈漣

欲見之不可一日飲於其叔父天池家卽席三召三却之比

謁於公堂語不及私楊益重之著有格言隨筆錢孫煒字伯

玉由恩廕中書舍人歷官太僕正卿著有滄浪集蘇山草詩苑

徵琴派爲海內正宗別見彈琴家樹字道時書得虞永興米

南宮筆法間吟小詩清韻絕塵澤字開宇太學生官中書舍

常昭合志稿

卷二十五

人物之四

七

人萬歷中端陽節命諸中書書扇頒賜中貴神宗見澤舊稱

善者再未幾以使事歸爲人豪侈好義揮斥千金不少顧惜

楊忠烈漣稱爲江南大雅佳公子年七十二卒濟字道行書

法得曹娥碑筆意書畫譜

金汝礪字若金舉於鄉選永寧知縣以安巢拊循爲事調陵縣

改衡州教授修輯郡志校趙清獻集擢汝寧通判立保甲輸

錢等法民便之遷衡府審理歸事父以孝聞錢志

連鑲字抑武由選貢授安陸令縣爲獻陵孔道鑲廉悍自持平

差役清驛遞翦除宿猾王仲秀等郡守力庇不少貨郡鞠孝

威疑盜十三人鑲察其寃請釋之坐免歸著讀書記游息漫

稿兩京舊聞弟錦字煥卿性嚴正兄令安陸安陸人有不法者持千金爲錦壽以解於鑲錦却之從弟珠字龍巖高才能

文與邵圭潔齊名氏族考

章美中字道華梅李人九歲能屬文登進士授大理評事出爲

江西僉事分部豫章嚴嵩家監奴戚邵多不法美中按律懲

治無所假借藩邸藏匿亡命美中請於王曰法自高皇建大

王爲高皇耳孫而身悖之使者以宗正條收王之舍人子王

亦能終匿之耶或謂其持法太峻得無虞身對曰吾虞際三

尺耳不能爲七尺計前後臺使十三薦格於嚴嵩久之始還

廣西參議盜陷太平諸郡美中先請道兵掇其衝捕虜首百

常昭合志稿

卷二十五

人物之四

三

餘設伏夜搗寶利猺降之獠民俯首惕息按部出入普嚴冒

瘴癘成疾會遷四川副使自念地益遠疾益深遂乞致仕既

歸無立錫地僦旅舍以居隆慶初中丞林潤御史董堯封交

章薦報聞將大用之而美中死矣王世貞傳子士雅亦起家進士

知嘉善縣多惠政官至工部郎中父子皆能詩曾孫在茲字

素文有文名以歲貢考授知縣求仕卒

沈應元字子春海孫五六歲能作徑尺大字見者目爲奇童與

弟應魁同舉於鄉知陳州聯民居以定保甲禁違式以消禍

本慎編審以防飛詭嚴徵解以杜侵漁芟除毫右與民休息

調趙州趙當南北孔道接應輻輳應元性疏濶不耐折腰遂

歸歲時約里中故人結詩酒社山介水隈惟意所適

屬文應

魁字子文性孝友事繼母程不殊所出處兄弟自父不校

產以營喪葬登進士授南禮部郎上禦倭六策忤執政出

廣右三月竟罷歸結廬丹井足不出戶者二十年僅粥給

著書談道優游以終有江南日錄西湖覽勝鳴缶禮部等集

王夢鼎
先哲考

瞿景淳字師道八歲能屬文久困諸生教授里中自給嘉靖二

十三年舉會試第一殿試第二授編脩鄭王厚烷以言事廢

徙鳳陽景淳奉敕封其子載培爲世子攝國事世子內懼瞿

重爵景淳却之時恭順侯吳繼爵爲正使已受幣慚亦謝不

常昭合志稿

卷二十五

人物之四

五

納既而語景淳曰上遣使密詞狀微公吾幾中法滿九載還

侍讀請急歸江南久苦倭總督胡宗憲師未捷景淳還京謁

大學士嚴嵩嵩語之曰倭旦夕且平胡總督才足辦南人短

之何也景淳正色曰遠度之耳景淳自南來目覩倭患胡君

坐擁十萬師南中人不得安枕臥相公不欲聞誰爲言者嵩

愕然謝之歷侍讀學士掌院事改太常卿領南京祭酒事就

遷吏部右侍郎隆慶元年召爲禮部左侍郎用總校永樂大

典勞兼翰林院學士支二品俸侍經筵脩嘉靖實錄疾作累

疏乞骸骨歸逾年卒贈禮部尚書諡文懿爲編脩時典制諸

錦衣陸炳先後四妻欲封最後者屬景淳撰詞不可介嚴嵩

爲請亦不應橐金以投卒笑謝之子汝稷汝益汝說

明汝稷字

元立好學工文以廕補官三遷刑部主事扶溝知縣扶宗人

神宗令與重比汝稷曰是微服至邑庭官自扶扶溝民耳讞

上竟得釋廕黃州知府徙邵武再守辰州承順土司彭元錦

助其弟保靖土司象坤與西陽冉御龍相讐殺汝稷馳傲元

錦解兵去三土司皆安遷長蘆鹽運使以太僕少卿致仕尋

卒汝稷嗜宗門書撮其要旨爲指月錄著石經大學質疑一

卷大學格物訓二卷兵畧纂聞十二卷問卿集十四卷

志子式來字起周著八分書工詩畫官涪州判官式誦字起

民諸生有志節汝益字靜觀爲諸生喜談兵杖策游遼東

常昭合志稿

卷二十五

人物之四

五

以徐陳兩御史薦授平清偏鎮署指揮僉事平清苗民雜處

衛軍單弱汝益革校結之兵募勇健之卒苗民三犯黔境清

鎮獨監調守荆瞿卯洞土司向崧仇其叔向明輔明輔陰投

承順承順代爲叩關下部行院道委承順往捕甫臨卯洞二

千人一夕盡殲當事行文起解荆南諸司即起兵要奪久不

赴勒汝益至理論諸土司崧亦悔罪泣謝荆瞿民立石記功

丁酉關白稱亂汝益上禦倭八策遂有神樞五營佐擊將軍

之命遼左金得時入山修道聚眾四千人院道喜功上疏請

勲汝益就疏代參數語乃改勲爲撫四千人盡得釋自弟汝

說入官卽解任歸悠游林下三十餘年汝說字星卿五歲

而孤排文成輒跪薦父木主前萬厯中舉進士官至湖廣提學僉事亦以剛正聞初授營繕主事遷都水員外工曹日與宦官相接商賈緣爲奸利汝說係理精密動引故事爲據羣閹日爭於前終無所假所省億萬計又考百年間供億盈縮之數彙而成書時甚賴之督學時所進退士雖有勢力屹然不可撓動歸築東皋別業顏其堂曰浣溪嘗語人此一片空

明是吾得意文字也所著有名臣畧百卷

志舊

倪潤字伯雨登進士知南城縣考最爲工部主事督蕪湖稅以

疾歸稅餘二千金留蕪湖庫卒著有雲門集露葵稿

南城縣志

顧柄字文謙舉進士授工部主事權稅荊州課額有羨輒籍記

常昭合志稿

卷二十五

人物之四 耆舊

重

貯郡庫吏胥不敢爲奸嘗有蜀商運大木爲桴浮江東下猝

以水汎桴解巨猾乘機掠取投匿遵府柄廉得之啟王出其

人置諸法管員外郎司臨清磚廠升貴州僉事分巡思南思

南俗雜民猺鎮以寬和反側遂定奉檄董試事件某御史意

被劾歸既而御史以不法敗起補廣西旋晉湖廣參議柄初

第時嘗夢賈誼談長沙事甚悉至是竟殞長沙

盟文錄集

鄧遷慶靖時以明律授官遷判廬州時捕治白蓮妖黨告許連

坐囹圄皆滿寔廉知其多無辜被陷爭諸郡守一日縱舍三

百人部使者來案寔以直對使者然之全蜀皆獲原宥

陳志

查光述字子孝爲諸生有盛名舉進士授寧波理刑屬倭亂奉

機練鄉兵飭城守倭不敢犯擢監察御史列祀忠孝祠

志

徐拭字世寅祖鯤字拙隱創立徐市父天民字覺甫事母至孝

與人交始終一致不談人過歲祿收非道殮無數拭登進士

除宜春知縣擢南京御史時京山王宗茂者同被命瀕行嚴

嵩置酒錢之備極珍異宗茂多不能名拭微笑曰海外物也

若何由名後宗茂極論嵩父子其疏草嘗從拭更定有設宴

而水陸畢具皆海外物等語嵩憾之謫拭浙江都事遷饒州

同知擢浙江僉事進參議監威繼光軍破江西羣盜丁內艱

歸服闋補河南轉湖廣提學副使遷雲南參政進按察使轉

山東布政使尋擢應天府尹未上拜右副都御史巡撫江西

常昭合志稿

卷二十五

人物之四 耆舊

重

疏言饒困於資其猩紅尤不易得朝廷淺其色而減其數晉

南京工部右侍郎山東漕河淤議開海運拭被命督膠河工

未竟改兵部右侍郎巡撫浙江修築海鹽隄二十餘里入爲

刑部左侍郎拜南京工部尙書時張居正以奪情怒言者拭

以書規之未幾罷歸拭敏歷中外爲政務捍禦災患躬儉約

以勵風俗師事嚴訥其恭謹頗相類居家孝友恤故舊著有

文集奏議及纂補大學衍義

明史參

孫復祚原名篤孺字陽

初以諸生入國學才度兩美工詞曲著背光劍紅梨記投梭

記一文錢梧桐雨諸劇村老委談

附文志

陳瓊字廷祿策之子嘉靖三十五年進士授江西永豐知縣治